

KIT MINGGU SUCI 2020 BAGI KELUARGA & RAKAN KEDIAMAN (Sewaktu pelandaan wabak COVID-19)

DIDOAKAN MENGIKUT KESUAIAN MASA BERSAMA

KEKAL DALAM KESATUAN TUBUH KRISTUS





"Kamu adalah Tubuh Kristus, dan setiap daripadamu anggota tubuh itu. Allah telah menentukan tempat masing-masing anggota Jemaah: Pertama sebagai rasul-rasul, kedua nabi-nabi, ketiga, guru-guru; seterusnya mereka yang diamanahkan untuk melakukan pelbagai mukjizat, mereka yang diberi kurnia untuk menyembuhkan, untuk memberikan pertolongan, untuk memimpin dan untuk bertutur dalam aneka lidah".

(1 Korintus 12: 27-28)

PERJALANAN BERSAMA YESUS YANG KUDUS



Tuhan Yesus Kristus,

Dengan keakraban, kami berjalan bersamaMu dalam KesengsaraanMu, KematianMu dan KebangkitanMu, bantulah kami agar melalui kesatuan kami diantara satu sama yang lain, kami sebenarnya bersatu denganMu.

Dalam setiap langkah kami serta perlakuan kami, biarlah kami menjadi Berkat kepada satu sama yang lain kerana itu adalah tanda kebaikan, kelemah-lembutan, kemurahan hati tanpa menghakimi sesama kami, dan dengan keampunan dan kerendahan hati, semoga kami terus mengasihi satu dengan yang lain.

Semoga kesatuan kami ini menjadi ungkapan kasih kami dan kesembuhan dunia ini. Demi Kristus, Tuhan dan Penebus kami. Amin.







Hosanna, Hosanna, Hosanna ditinggi (2X)

Ku puji NamaMu, Hatiku bersyukur, Ku tinggikan kau Allah ku, Hosanna yang ditinggi!

Hosanna, Hosanna, Hosanna ditinggi (2X)



† Dalam Nama Bapa, dan Putera dan Roh Kudus. Amin

+

Semua:

Ya Tuhan Yesus Kristus, dengan mengenangkan apa yang telah Engkau lakukan di bumi ini kerana cintakasihMu kepada kami, kami mohon agar Engkau hadir pada saat ini, terutama didalam FirmanMu yang akan kami dengar dan renung sebentar nanti, demi Kristus Tuhan kami. Amin.



Pembacaan dari Surat Rasul Paulus kepada umat di Filipi (2: 6-11)

Dia yang sekalipun dalam bentuk Allah, tidak menganggap kesetaraan dengan Allah sesuatu yang harus dipertahankan, tetapi Dia telah mengetepikan martabat diri-Nya, mengambil bentuk seorang hamba, dan datang dengan rupa manusia. Dalam keadaan sebagai manusia, Dia telah merendahkan diri-Nya dan taat hingga kepada kematian, bahkan kematian Itulah sebabnya Allah sangat meninggikan-Nya menganugerahkan kepada-Nya nama yang di atas segala nama, supaya kepada nama Yesus segala-galanya bertelut, segala isi langit, bumi dan yang di bawah bumi, dan semua lidah mengaku bahawa Yesus Kristus ialah Tuhan, untuk mendatangkan kemuliaan kepada Allah Bapa!

Demikianlah Sabda Tuhan. R> Syukur kepada Allah.





Renungan Sejenak

Kuda, melambangkan kekuatan dan kekuasaan. Manakala, keldai, melambangkan 'damai'.

Yesus sebagai Raja memasuki Kota Yerusalem dengan menunggang seekor keldai dan bukan dengan seekor kuda. Yesus Raja, sanggup menerima Salibnya dengan penuh cintakasih untuk kita semua. Oleh itu, kita renungkan bersama;

- 1) pernahkah saya bersyukur dalam kehidupan harian saya atas segala pengorbanan Yesus?
- 2) Adakah saya sedang bergelut dengan hidup saya didalam menghidupi 'kerendahan hati'?
- 3) Disebalik semua ini, adakah Yesus mempunyai keutamaan dalam diri saya atau tidak?

Semoga disepanjang Minggu Suci ini, saya akan menjadi lebih akrab dan bersatu dengan Yesus sebagi Raja dalam hidup ini.



MARILAH KITA BERDOA

Bagi Gereja di seluruh dunia, agar iman kita diperbaharui dan diperteguhkan secara peribadi terutamanya didalam minggu suci pada tahun ini. Kami mohon...

YA TUHAN KRISTUS, DENGARKANLAH DOA KAMI

Bagi Negara diseluruh dunia yang sedang menghadapi wabak COVID-19 bersama, agar kita dapat merangkul setiap insan melalui pengalaman kasih didalam Tuhan. *Kami mohon...*

YA TUHAN KRISTUS, DENGARKANLAH DOA KAMI

Bagi semua keluarga dimana saja mereka berada, agar melalui perjalanan minggu suci ini dapat meneguhkan dan memulihkan cintakasih dan kesatuan sesama sendiri, serta meningkatkan kesabaran dan kesefahaman kekeluargaan. *Kami mohon...*

YA TUHAN KRISTUS, DENGARKANLAH DOA KAMI



MARILAH KITA BERDOA

Bagi yang tertindas dan ditinggalkan, agar melalui sudut Pandangan Yesus, kita dapat melihat dan bersimpati dengan perjuangan hidup mereka. Kami mohon...

YA TUHAN KRISTUS, DENGARKANLAH DOA KAMI

Bagi mereka yang menderita secara senyap, agar mereka mengalami ketenangan, harapan dan kekuatan yang memberikan damai dan kegembiraan apabila mereka menyatukan penderitaan mereka dengan Salib Yesus Kristus. *Kami mohon...*

YA TUHAN KRISTUS, DENGARKANLAH DOA KAMI

Bagi kita yang berkumpul bersama sekarang ini, agar kita rindukan hubungan yang mendalam dengan Yesus Kristus, dan mahu mengongsikan kasihNya dengan keberanian dan kesetiaan . *Kami mohon...*

YA TUHAN KRISTUS, DENGARKANLAH DOA KAMI



Kita satukan semua doa-doa kita ini dan doa-doa di dalam hati, melalui doa yang indah ini yang telah diajarkan oleh Yesus sendiri;

Bersama-sama:

Bapa kami, yang ada disyurga, dimuliakanlah NamaMu, datanglah kerajaanMu, jadilah kehendakMu diatas bumi seperti didalam syurga.

Berilah kami rezeki pada hari ini dan ampunilah kesalahan kami, seperti kamipun mengampuni yang bersalah kepada kami. Dan janganlah masukkan kami kedalam percubaan tetapi bebaskanlah kami dari yang jahat. Amin.

+

Dalam Nama Bapa, dan Putera dan Roh Kudus. Amin





BERTOBATLAH

Bertobatlah dan balik pada Bapa
 Dia tunggu kau dengan kesetiaanNya
 Tuhan sedia mengampuni dosamu
 Oh baliklah pada Allah

Korus: Oh baliklah pada Allah Jangan lambat hai temanku Tuhan tunggu kepadamu, Oh baliklah pada Allah

- 3. Kembalilah pada salib Tuhanmu Di atasNya engkaupun t'lah ditebus Dengarkanlah suaraNya memanggilmu Oh baliklah pada Allah
- Mari balik pada tangan kasihNya
 Di sanalah kau rasakan hangatNya
 Kau 'kan hidup dalam kelimpahanNya
 Oh baliklah pada Allah





Inilah perintah baru yang Kuberikan kepadamu: Kasihilah satu sama lain. Sebagaimana Aku telah mengasihimu. (Yohanes 13: 34)



† Dalam Nama Bapa, dan Putera dan Roh Kudus. Amin

†

Bersama-sama:

Ya Tuhan, dalam kesyukuran kami mengenangkan saat Engkau memulakan dan mendirikan Ekarisiti Kudus. Walaupun kami tidak dapat menerima TubuhMu secara nyata pada saat ini, kami mohon agar Engkau hadir ditengah-tengah kami, melalui doa kami yang sederhana ini. Demi Kristus Tuhan dan penebus kami. Amin.



Pembacaan dari Surat pertama Rasul Paulu kepada umat di Korintus 11: 23-26

Aku telah menerima daripada Tuhan apa yang telah kusampaikan kepadamu: Bahawa pada malam Dia dikhianati, Tuhan Yesus telah mengambil roti; dan selepas mengucap syukur, Dia telah memecah-mecahkan roti itu lalu berkata, "Ambil, dan makanlah. Inilah tubuh-Ku yang diserahkan untukmu; lakukanlah ini sebagai peringatan kepada-Ku."Demikian juga, sesudah makan, Dia mengambil cawan itu sambil berkata, "Cawan ini perjanjian baru dengan darah-Ku. Setiap kali kamu meminumnya, lakukan ini sebagai peringatan kepada-Ku."

Kerana setiap kali kamu makan roti dan minum dari cawan dengan cara demikian, kamu memberitakan kematian Tuhan hingga kedatangan-Nya.

Demikianlah sabda Tuhan.

R> Syukur kepada Allah



Antifon: Tuhan itu hadir didalam kasih dan kemurahan.

1. Kasih Kristus telah mengumpulkan kita semua menjadi satu. Marilah bergembira didalam Dia. Takutilah Dia dan kasihilah Dia Allah yang hidup dan marilah saling mengasihi antara sesama.

2. Perhatikanlah agar kita tidak berbelah bagi dalam fikiran kita apabila kita bersama. Hentikanlah pertelingkahan dan kepahitan, serta perselisihan dan biarlah Kristus Tuhan kita ada diantara kita.

3. Dan dengan bertemankan yang terberkati, semoga kami melihat wajahMu dalam kemuliaan, ya Yesus Tuhan dengan penuh sukacita selamalamanya.



DENGAN PENUH KESYUKURAN ATAS SEGALAH BERKAT YANG KITA TERIMA DARIPADA TUHAN, MARILAH KITA UNGKAPKAN KESYUKURAN KITA INI ...

Atas kemurahan hatiMu dan kesempurnaan KasihMu kepada kami biarpun kami masih berdosa... *Kami mengasihiMu Yesus*

Atas berkat pemberian Iman kepada kami...

Kami berterimakasih dan memuji Engkau Tuhan

Atas cabaran yang kami hadapi setiap hari, membawa keakraban kepadaMu... Kami bersyukur Tuhan

Atas pemberian keluarga kami dan sesama...

Kami memuji dan berterimakasih kepadaMu Tuhan

Atas kehadiran KudusMu pada saat ini bersama-sama dengan kami...

Kami memuliakan Engkau Tuhan Kristus

Bagi masa depan yang didalam tanganMu, yang tidak dapat kami duga...

Bapa, kami percaya kepadaMu

Atas pemberian Roh KudusMu yang sedang bekerja didalam dan melalui kami...

Kami memujiMu Tuhan



KERANA TELAH MENYAKITI HATI TUHAN DAN SESAMA, MARILAH KITA BERTOBAT DAN KEMBALI KEPADA TUHAN

Pada masa kami tidak percaya sepenuhNya kepadaMu, pada masa pencubaan, kesusahan, dan keraguan...

Ampunilah kami ya Tuhan

Pada masa kami acu tak acu, tidak mempedulikan hidup doa kami...

Ampunilah kami ya Tuhan

Pada masa kami kurang bersyukur atas berkatMu yang kami terima setiap hari...

<u>Ampunilah kami ya Tuhan</u>

Kerana kami mengikuti keinginan hati kami sendiri tanpa mengamati kehendakMu...

<u>Ampunilah kami ya Tuhan</u>

Pada masa kami gagal mengampuni kesalahan orang lain...

Ampunilah kami ya Tuhan

Pada masa kami tidak mengambil inisiatif untuk membawa kegembiraan kepada yang lain...

<u>Ampunilah kami ya Tuhan</u>

Pada masa kami memilih apa yang tidak baik dan gagal melihat kebaikan orang lain ...


<u>Ampunilah kami ya Tuhan</u>

Pada masa kami selalu menyakiti hatiMu dan sesama kami...

Ampunilah kami ya Tuhan



YA TUHAN, HARI INI, KAMI MENGINGATI PARA PADERI DISELURUH DUNIA, DAN BERDOA KEPADA MEREKA



Ya Yesus yang Maha Kasih,

Aku berdoa kepada PaderiMu yang setia, yang tidak setia mahupun yang 'suam-suam kuku', paderiMu yang bekerja dirumah, mahupun yang dikejauhan dalam melaksanakan misiMu, Yang sedang bergelut dengan godaan; Yang kesepian dan kesunyian; Yang ditimpa penyakit; Yang akan menemui ajal; Yang telah meninggal disebabkan oleh COVID-19 Jiwa-jiwa para paderi yang masih di api penyucian.



YA TUHAN, HARI INI, KAMI MENGINGATI PARA PADERI DISELURUH DUNIA, DAN BERDOA KEPADA MEREKA



Kami mengingati para paderi yang telah membaptis kami, dan mengangkat mereka kepadaMu;
Para paderi yang membebaskan kami dari dosa;
Paderi yang mengurapi dan mendoakan kami;
Paderi didalam Misa dimana kami menerima Tubuh dan DarahMu melalui Komuni Suci;

Semua paderi yang mengajar dan memberi nasihat kepada kami;

semua paderi kebangaan kami;

Kami juga memohon keampunan kepada paderi yang pernah kami kecewakan melalui perkataan, perbuatan dan kegagalan kami.



YA TUHAN, HARI INI, KAMI MENGINGATI PARA PADERI DISELURUH DUNIA, DAN BERDOA KEPADA MEREKA



Ya Maria, Ibu Yesus, lindungilah mereka, bimbinglah mereka dan kasihilah mereka. Jadilah Ibu kepada mereka terutama sekali di masa kesepian dan kekecewaan.

Ya Maria, Ibu Tuhan, jadikanlah semua paderi seperti engkau yang penuh kerendahan hati dan kudus seperti Yesus.

Kami berterima kasih kepadamu ya Tuhan atas panggilan kepaderian, dan melalui perantaraan Bonda Maria, kami juga bertekad untuk mendoakan mereka setiap hari. Amin.



PERJAMUAN PASKAH BERSAMA KELUARGA DAN SEISI RUMAH

Paskah adalah perayaan yang penuh dengan sukacita, yang mengungkapkan bagaimana Allah membebaskan kita dari perhambaan kepada pembebasan, dari kesedihan kepada kegembiraan, dari berkabung kepada pesta, dari perhambaan kepada penebusan, dari kegelapan kepada cahaya yang cemerlang

(cf. Ex 12: 1-8. 11-14)

Bersama dengan mereka yang hadir, bersantai sambil makan bersama-sama, dengan lilin yang dinyalakan di tengahtengah, sebagai tanda kesyukuran bagi Tuhan atas kesucian hidup.

Semasa makan, kongsikan bagaimana kamu menemui Kristus melalui pengalaman COVID-19




Ya Tuhan Yesus,

Bersatu dengan-Mu dalam Roh, kami memilih untuk mendedikasikan masa ini kepada-Mu dan bersama-Mu.

cf. Mt 26: 40-41

MASA PERIBADI DAN MASA HENING BERSAMA TUHAN



Kami memuliakanMu, Ya Tuhan Kami percaya padaMu, Ya Tuhan Bebaskanlah Kami, Ya Tuhan Selamatkanlah Kami, Ya Tuhan Tenangkanlah Kami, Ya Tuhan Berilah Kami RohMu, Ya Tuhan Bukalah pintu haparan kami, Ya Tuhan











PUASA DAN PANTANG

BERSAMA:

Tuhan Yesus, dengan merenungkan akan kesengsaraan dan kematianMu hari ini dan berjalan bersamaMu menuju Kalvari, kami juga mahu merenungkan akan kasihMu yang besar keatas kami kerana dosa-dosa kami, dosa-dosa saya, di atas Salib.

Kerahiman adalah jambatan yang menyatukan Tuhan and Manusia ~ Misericordiae Vultus (MV2) ~



YESUS KAMI DATANG PADA-MU

Yesus kami datang pada-Mu
Dengan hati kami terharu
Engkau ta'u kelemahan kami
Kami selalu jauh dari-Mu
Ampunilah kami ya Tuhan } 2x

Dalam hidup kami tiap hari Kami selalu lupa pada-Mu Kami keberatan godaan Takut akan putus harapan Kami doa semangat-Mu } 2x



Doa kami pada-Mu Tuhan
Bawa kami s'lalu dekat-Mu
Salib-Mu kemenangan kami
Kasih-Mu lah harapan kami
Yesus Engkau hidup kami }2x



T

Dalam Nama Bapa, dan Putera, dan Roh Kudus, Amin.



Bersama:

Ya Tuhan, Engkau mengkehendaki AnakMu melalui penghinaan di salib untuk membebaskan kami dari kuasa kejahatan. Kami berdoa kepadaMu, penuhilah hati kami dengan kasih akan Kristus dan kesedihan akan dosa, dan berilah agar kami mendapat rahmat dari KebangkitanNya.



Doa Pembukaan

Tuhanku dan Penebusku, Engkau telah menunjukkan kepada kami bagaimana untuk hidup mengikut teladan-Mu. Bila kami merenung kehidupanMu dengan kehidupan kami, kami mula bertanya pada diri kami sendiri. Tuhan, kadang kala, lautan kehidupan seakan begitu luas dan dalam, dan kapal kami begitu kecil. Bantulah kami untuk bertumbuh, dan untuk memahami Engkau dan diri kami sendiri. Kami mohon kepadaMu agar Engkau menolong kami untuk menerima hidup ini dan segala-galanya. Amin.





Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Kerana dengan kesengsaraan, kematian dan kebangkitanMu, Engkau telah menebus dunia.





Pemimpin:

Awal pagi hari jumaat, Yesus telah dibawa dari Caiaphas, Imam Besar kepada Pointus Pilatus, Gabenor, atas tuduhan pengkhianatan dan dihukum mati. Yesus tidak mempunyai apa-apa tetapi hanya kasih kepada manusia, namun Dia dihukum mati.



Bersama:

Tuhan Yesus, saya seringkali menghakimi orang lain dan gagal untuk memahami dan mencintai. Bantulah saya untuk melihat orang lain dalam kehidupan saya melalui mataMu, dan bukan mata Pontius Pilatus. Ajarilah saya agar melalui perhentian ini, ia dapat membantu membina setiap orang yang saya temui, dan bukan memecahkan mereka dengan kritikan dan kutukan. Amin.



Hatinya berkeluh kesah Hancur luluh rasa batin Tersangat duka lara







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Salib berat diserahkan kepada Yesus. Dia diperintahkan untuk memikulnya ke tempat pelaksanaannya. Yesus menerimanya. Memikulnya sendiri, dia keluar ke tempat yang bernama Tengkorak-Golgotha- untuk disalibkan bersama dua orang penyamun. Berat salib itu dapat di lihat dari alis dan wajah Yesus. Namun, Dia terus maju tanpa mengeluh.



Bersama:

Tuhan Yesus, Engkau memeluk salibMu untuk menebus dunia.


Bantulah saya untuk memeluk salibku dalam hidupkukesukaran-pergelutan, kekecewaan dan kesakitan. Hanya
dengan mengenal kelemahanku sendiri, aku akan dapat
menemui kekuatanMu.



Betapa hebat derita Menimpa Bonda yang Suci karana Putera Allah







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Berat salib dan perjalanan ke Kalvari- ke Golgotha-tempat penyaliban-masih jauh. Yesus, keletihan kerana kurang tidur, kesepian, takut, dan penderaan yang diterima membuat Dia jatuh ke tanah. Para askar dengan cepat mengheret Dia untuk berdiri kembali.



Bersama:

Tuhan Yesus, Engkau tahu saya seringkali jatuh di dalam mengikutiMu. Namun, Engkau selalu mengangkat saya kembali. Bantulah saya selalu untuk mempercayai KasihMu kepadaku dan tidak membiarkan ku kecewa. Bantulah saya selalu untuk mengetahui kekuatanku melalui kelemahanku.



Alangkah sedih hatinya Memandang seksa yang hebat Diderita anaknya







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Maria sedang menunggu anak yang dikasihinya; kehadirannya membawa keselesaan kepada Yesus. mengajar kita untuk merasai dan menunjukkan simpati kepada yang menderita. Tidak perlu dengan katakata, kehadiran dan perbuatan baik kita sudah menyampaikan kasih kita kepada saudara yang menderita.




Bersama:

Ya Tuhan, kesedihan IbuMu adalah mengatasi kasihNya kepadaMu. Engkau selalu datang kepadaku melalui orang lain dan kasih mereka memberi saya hidup baru. Bantulah saya melihat berapa kerap Engkau mencintaku melalui orang lain di dalam hidupku.



Siapa yang tidak terharu Bila ingat Bonda Yesus Di timpa duka hebat



DIOCESE OF PENANG

Simon dari Kirene membantu Yesus memikul salibNya



Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Post Penang

Simon dari Kirene membantu Yesus memikul salibNya



Pemimpin:

Yesus tergelincir di bawah beban.
Para askar takut sekiranya Dia mati
dalam perjalanan. Mereka
menangkap Simon dari Kirene,
meletakkan salib itu di bahunya
juga, dan memaksa memikul beban
salib itu bersama Yesus.



Simon dari Kirene membantu Yesus memikul salibNya

Bersama:

Tuhan Yesus, kadang-kadang saya tidak peduli terhadap keperluan orang lain di dalam hidupku. Saya juga mengabaikan orang yang saya kasihi. Bantu saya untuk melihat agar mengasihi yang lain adalah jalan untuk menemui Engkau di dalam hidupku.



Simon dari Kirene membantu Yesus memikul salibNya

Betapa sedih hatinya Melihat anak meninggal Tak dihibur bapanya







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Wanita ini memperlihatkan tekad dan keberanian dalam menantikan Yesus dan mengesat wajahNya walaupun ramai askar. Dia melihat orang yang memerlukan dan memberi bantuan tanpa memikirkan akibat keatas dirinya. Berapa kali kita mengelak dari melakukan kebaikan kerana takut apa orang katakan atau fikirkan?




Bersama:

Tuhan Yesus, pada masa saya takut untuk menjangkau orang lain. Saya tidak melakukan apa-apa apabila saya perlu bertindak; saya tidak bercakap apa-apa apabila saya perlu bercakap. Berilah saya iman yang dalam dan berani. Bantu saya untuk percaya yang Engkau ada bersamaku.



Hai Bonda ku yang pemurah Beri aku rasa duka Berbagi deritamu







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Yesus jatuh lagi walaupun di bantu oleh Simon. Dia tersungkur ke tanah, peluh mengalir di wajahNya, bercampur dengan darah dari dahiNya dan debu di perjalanan. Askar-askar tidak sabar dan bimbang, mereka mengheret Dia untuk berdiri kembali, mereka mengutuk Dia.



Bersama:


Tuhan Yesus, kegagalan dan kekecewaan kadang-kadang membuat saya berputus-asa. Saya bersembunyi di sebalik kebanggaan ku dan rasa kasihan terhadap diri sendiri dari-Mu dan orang lain. Beri saya harapan yang saya perlu dan bantulah saya agar tidak takut untuk memulakan kembali.



Nyalakan dalam hatimu Kasih Kristus yang sejati Layak jadi saksi-Nya







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Ramai wanita mengikuti Yesus ke Golgotha. Mereka menangis dan meratap, dalam tradisi berkabung untuk orang itu, sahabat mereka. Mereka dikalahkan dengan kesedihan dan ketidakupayaan mereka. Yesus berkata kepada mereka, " jangan menangis untuk-Ku, tetapi untuk dirimu sendiri dan anak-anakmu".



Bersama:


Tuhan Yesus, sekali lagi saya berdoa kepada-Mu bagi keberanian untuk bertobat dan berubah. Jangan biarkan saya bersedih namun tidak berbuat apa-apa. Biarlah pengalaman dosa-dosa saya yang lalu mengajar saya untuk bergantung kepada rahmat Tuhan dan menyedari akan kelemahanku.



Cantumkan ya Bonda Suci, Luka Yesus yang berdarah, Dalam lubuk hatiku.








Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Yesus benar-benar lemah dan jatuh ke tiga kalinya di bawah salibnya. Kita seringkali jatuh dan tersandung di dalam kehidupan. Setiap kali, kita melihat diri kita tidak baik, celaka, tidak bernilai. Imej diri kita menjadi teruk dengan setiap kejatuhan dalam hidup. Hanya dengan ini kita belajar untuk hidup pada suatu masa dan tidak melihat masa lalu kita atau bimbang tentang esok.



Bersama:

Tuhan Yesus, kegagalan akan kekuatan-Mu membuat saya melihat betapa tidak berdayanya saya. Tanpa Engkau, saya tidak dapat berbuat apa-apa. Bantulah saya untuk bergantung penuh kepada kekuatan-Mu, untuk melihat betapa saya memerlukan Engkau dan mengajar saya untuk tidak mengutuk diri sendiri sehingga saya berputus asa.



Beri aku sebahagian, Dari seksa suci Yesus, Agar dapat ku tiru.







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:





Pemimpin:

Akhirnya mereka tiba ke tempat di mana la akan disalibkan. Orang membuang sampah di sini. Dengan segara dan kasar, pakaian-Nya di tanggalkan dari belakang meninggalkan Dia telanjang, letih dan dihina...tiada yang tertinggal, bahkan tidak bermaruah. Adakah ini kemiskinan-Nya atau ini untuk kita? Kita mengambil pakaian-Nya, maruah-Nya seperti ratusan ribu orang yang tamak dan tidak peduli. Sikap kita yang mementingkan diri sendiri membuatkan Dia menanggalkan segala-galanya.



Bersama:

Tuhan Yesus, melihat Engkau dihina membuat saya menyedari betapa saya berpegang pada pencapaian, harta benda, dan cara saya. Bantulah saya untuk melepaskan semuanya ini yang menghalang saya bertumbuh lebih dekat kepada-Mu dan orang lain. Ajarilah saya untuk tidak merindui sesuatu yang hebat dan mulia, tetapi biarlah perbuatan baik dan kasih dalam hidup saya bertambah.



Sekarang aku pun rela Tahan susah demi Yesus Sabar hingga ajalku







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Kerana dengan kesengsaraan, kematian dan kebangkitanMu, Engkau telah menebus dunia.





Pemimpin:

Dengan kejam dan kasar, para askar mengheret Yesus ke salibnya. Mereka memegang Dia, memakukan tangan dan kaki-Nya. Selepas Dia ditinggikan, para askar membuang dadu untuk pakaian-Nya. Lengan dan tangan yang selalu dilanjutkan dalam cinta kini disalibkan di kayu salib.



Bersama:

Tuhan Yesus, saya tidak pernah sangsi dengan kasih-Mu kepadaku bila saya melihat Engkau disalibkan. Bantulah saya untuk melihat Salib-Mu sebagai tanda besar akan cinta kasih-Mu kepadaku dan bantulah saya untuk kembali kepada-Mu, untuk memeluk-Mu dan kuk yang Engkau tawarkan kepadaku.



Ingin aku mendampingmu, Pada kaki salib Yesus Turut menanggung susah.







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Kerana dengan kesengsaraan, kematian dan kebangkitanMu, Engkau telah menebus dunia.





Pemimpin:

"wahai kamu, orang-orang ku, apa yang telah saya lakukan kepada kamu atau apa saya menyinggung perasaan kamu? Apa lagi yang perlu saya lakukan dan tidak lakukan? Saya telah membawa kamu keluar dari Egypt, dan kamu telah menyediakan salib untuk-Ku. Saya membuka lautan merah dihadapan kamu, dan kamu menusuk lambungku dengan tombak. Saya memberikan kamu tongkat kerajaan dan kamu memberikan saya makhota duri. Dengan kuasa besar saya meninggikan kamu dan kamu menyalibkan Aku di kayu salib".

(bersambung...)





Pemimpin:

sekarang kira-kira jam ke-6, dan kegelapan menyelubungi seluruh negeri sehingga jam ke-9. Yesus berseru dengan suara kuat dan berkata. "Sudah selesai. Bapa, ke tanganMu Aku menyerahkan jiwa-Ku". Kemudian, menundukkan kepalanya, Dia meninggal.

(sila berlutut)




Bersama:


Tuhan, tubuh-Mu yang tidak bermaya membawa saya kepada iman yang mendalam. Engkau memilih kematian, walaupun mati di kayu salib. Kematian-Mu mengajar saya bahawa saya harus mati untuk dosa dan sikap pentingkan diri sendiri agar dapat menghasilkan buah kesucian dan keselamatan. Bantulah saya melihat salib-salibku sebagai jalan untuk mencintai-Mu.



Bonda Perawan tersuci, Tiliklah aku anak mu, Ingin menyertai mu.







Pemimpin:


Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Kerana dengan kesengsaraan, kematian dan kebangkitanMu, Engkau telah menebus dunia.





Pemimpin:

Maria berdiri di kaki salib dan terpaksa melihat anak yang dikasihi-Nya mati dalam azab yang besar. Sekarang dia menerima Tubuh-Nya di dalam pangkuannya. Dia memahami kesakitan dan kebimbangan orang yang menderita kerana orang yang dikasihinya di serang penyakit atau dipenjarakan. Dia adalah Ibu bagi orang yang menderita.



Bersama:

Penyelamat yang dikasihi, Engkau mengembalikan kepada Bapa semua yang telah diberikan kepada-Mu, supaya Dia dapat memulihkan semuanya kepada-Mu seratus kali ganda di dalam kebangkitan mulia. Bantulah kami, kami merayu kepada-Mu, dengan murah hati, memberikan diri kami dan semua yang kami lakukan kepada-Mu, agar seperti Engkau kami akan menjadi sempurna di dalam kebangkitan baru.



Tolonglah aku bertekun, Agar kelak berbahagia, Bersama dengan Yesus.







Pemimpin:

Kami memuji Engkau, Ya Tuhan, dan memuliakan namaMu

(SILA TUNDUK)

Bersama:

Kerana dengan kesengsaraan, kematian dan kebangkitanMu, Engkau telah menebus dunia.





Pemimpin:

Yesus diletakkan di dalam kubur. Yesus hidup dalam kerendahan sehingga tiada kubur bagi-Nya. Mereka meletakkan Dia dalam kuburan tempat orang asing. Ketika para askar menutup kubur Yesus, satu bab baru dalam kehidupan Yesus dibuka. Saya tahu sekiranya saya menghidupi hidup saya dan beralih kepada Tuhan, saya boleh berubah menjadi baru. Kebencian ku boleh berubah menjadi kasih dan kebaikan; kesedihan ku berubah kepada kegembiraan; dan dimana ada keputus-asaan, saya akan menemui harapan. Kelemahanku boleh berubah menjadi kekuatanku.




Bersama:

Tuhan Yesus, bila saya melihat batu besar menutup kubur-Mu, saya merasa keseorangan dan ditinggalkan. Walaupun kadangkadang Engkau seperti jauh dan tidak hadir di dalam hidupku, bantulah saya selalu agar percaya kepada kedekatan-Mu dan kehadiran-Mu. Ajarilah saya dengan keberanian-Mu untuk menghadapi segalanya di dalam hidup, walau kematian itu sendiri, dan ketakutan. Bantulah saya, ya Tuhan ku agar tidak takut apa-apa tetapi takut kepada diri sendiri.



Semoga darah Penebus, Jadi perangsang bagiku, Berjuang dengan gagah.





Doa Penutup

Tuhan Yesus, bantulah saya untuk berjalan dengan Mu setiap hari dalam hidupku, walaupun ke Kalvari. Kesedihan dan kegembiraan, kesakitan dan kesembuhan, kegagalan dan kejayaan dalam hidup adalah kematian yang sangat kecil dan kebangkitan yang membawa saya lebih dekat kepada-Mu. Berilah saya iman dan kepercayaan yang saya perlukan untuk berjalan bersama –Mu selalu.

Kasihanilah saya, ya Tuhan dan jangan menolak doaku, ketika di tengah-tengah penderitaan ku, saya berseru kepada nama-Mu yang Kudus dan mencari dengan kasih dan keyakinan wajah-Mu. Amin.



Marilah berdoa bagi permohonan Bapa Suci kita.

Bapa kami yang ada di syurga, dimuliakanlah nama-Mu, datanglah kerajaan-Mu, jadilah kehendak-Mu, di atas bumi seperti di dalam syurga...

Berilah kami rezeki pada hari ini, dan ampunilah kesalahan kami, seperti kami pun mengampuni yang bersalah kepada kami, dan jangan masukan kami ke dalam percobaan tetapi bebaskanlah kami dari yang jahat.

Salam Maria, penuh rahmat, Tuhan serta mu, terpujilah engkau diantara wanita dan terpujilah buah tubuhmu Yesus...

Santa Maria, bonda Allah doakanlah kami, sekarang dan sewaktu kami mati...

Kemuliaan kepada Bapa, dan Putera, dan Roh Kudus... Seperti pada permulaan sekarang, selalu dan sepanjang segala masa...



Pimpin ku Tuhan

Pimpin ku Tuhan dari jalan dosa Pimpin ku pulang pada-Mu Ku sangat lemah tak sanggup berdiri Tuhan ku mengiring dikau

Aku sesat sebab jalan dosa Sebab berdosa pada-Mu Tiada penghibur di dalam jiwaku Tuhan ku mengiring dikau



Pimpin ku Tuhan

Hidup berdosa kehendak sendiri Ikut jalan yang berliku Atas salib Tuhan ganti aku Tuhan ku mengiring dikau



PENGHORMATAN SALIB

Dengan memegang salib, kita secara **INDIVIDU** mengambil masa untuk merenung salib dengan penuh hormat dan kemudian menyerahkan kepada orang seterusnya.





PENGHORMATAN SALIB

Kami menyembah Engkau, Tuhan Kami menghormati salib-Mu Kami memuji kebangkitan-Mu.


Melalui salib-Mu, Engkau membawa kegembiraan kepada dunia.

Semoga Allah mengasihani dan memberkati kita; Dan membiarkan wajah-Nya memencarkan cahaya kepada kami.

Amin.









UPACARA CAHAYA

Dalam gelap, kita akan nyalakan lilin utama dan berdoa...







UPACARA CAHAYA



Pemimpin:

Tuhan Yesus Kristus, pada malam Suci ini, Engkau telah melangkah dari kematian ke kehidupan, Engkau memanggil kami, anak-anakMu di seluruh dunia, untuk datang bersama untuk menghormati dan memperingati akan kematian dan kebangkitan Mu, dan mendengar SabdaMu dan merayakan misteri ini. Dengan yakin, kami kongsikan kemenangan Mu ke atas maut dan hidup bersamaMu selamanya di dalam Tuhan. Semoga cahaya Mu menerangi kami dengan harapan baru. Sucikanlah fikiran kami dan bawalah kami ke pesta kehidupan kekal.



UPACARA CAHAYA



Sekarang kita nyalakan lilin kita dari lilin utama dan mendoakan doa ini dua kali.

Bersama:

Kristus jadilah Cahaya kita, bersinar dalam hati kita, Bersinar dalam kegelapan Kristus jadilah Cahaya kita, bersinar bagi gerejaNya yang berkumpul hari ini, Dimana sahaja kita berada.



Pembacaan diambil dari surat Rasul Paulus kepada umat di Roma 6: 3-11

Atau tidakkah kamu tahu bahawa kita semua yang dibaptiskan dalam Kristus Yesus telah dibaptiskan ke dalam kematian-Nya? Melalui baptisan itu, kita dikuburkan dengan Dia dan ikut mati bersama-Nya. Demikian juga, sebagaimana Kristus dibangkitkan daripada kematian melalui kemuliaan Allah Bapa, kita juga dapat menikmati kehidupan yang baru.

Jika kita telah disatukan dengan Kristus kerana kita turut mati bersama-Nya, maka tentulah kita akan disatukan juga dengan-Nya dalam kebangkitan semula-Nya. Kerana kita tahu bahawa diri kita yang dahulu telah disalib bersama-Nya supaya tubuh dosa itu dapat dihapuskan, dan kita tidak lagi diperhamba oleh dosa. Kerana sesiapa yang telah mati, dia dibebaskan daripada dosa. Jika kita telah mati bersama Kristus, kita percaya bahawa kita akan hidup dengan-Nya juga. Kerana kita tahu bahawa oleh sebab Kristus telah dibangkitkan daripada kematian, Dia tidak mungkin mati lagi; kematian tidak berkuasa atas-Nya lagi. Dengan kematian-Nya, Dia telah mati kepada dosa sekali untuk selama-lamanya; tetapi dengan kehidupan-Nya, Dia hidup kepada Allah. Demikian juga, anggaplah dirimu telah mati kepada dosa tetapi hidup kepada Allah dalam Kristus Yesus.



PEMBAHARUAN JANJI PEMBAPTISAN

Dengan cahaya lilin yang bersinar dan dengan sepenuhi hati, kita mengakui iman kepercayaan kita. (Dengan cara yang istimewa pada saat ini, kita juga mengingati semua calon-calon IKD)

Aku percaya akan Allah, Bapa yang Mahakuasa, pencipta langit dan Bumi

Dan akan Yesus Kristus, PutraNya yang tunggal, Tuhan kita

Yang dikandung dari Roh Kudus, dilahirkan oleh perawan Maria.

Yang menderita sengsara dalam pemerintahan Ponsius Pilatus, disalibkan wafat dan dimakamkan, Yang turun ketempat penantian, pada hari ketiga bangkit dari antara orang mati

Yang naik ke syurga, duduk disebelah kanan Allah bapa yang Mahakuasa. Dari situ ia akan datang mengadili orang hidup dan mati.

Aku percaya akan Roh Kudus, Gereja Katolik yang Kudus, persekutuan para kudus

Pengampunan Dosa, Kebangkitan badan, Kehidupan kekal. Amin.



Tuhan tinggal di dalam ku dan terus tinggal Saya menolak kejahatan dan Yesus adalah pembimbingku Tuhan tinggal di dalamku sebab saya telah dibaptis Dalam nama Bapa dan Putera dan Roh Kudus

Di kepalaku, air baptis dituangkan Saya menjadi anak Tuhan dan saudara Tuhan kita Tuhan tinggal di dalam ku sebab saya telah dibaptis Dalam nama Bapa dan Putera dan Roh Kudus.







YESUS T'LAH BANGKIT! ALLELUIA (TUNE: JESUS CHRIST IS RISEN TODAY! ALLELUIA!)

Hari ini Yesus bangkit, Alleluia Mari kita hormatNya, Alleluia Mati di kayu salib, Alleluia Sengsara akan kita, Alleluia...

> Dengan lagu kita puji, Alleluia Pada Kristus Raja surga, Alleluia Yang sanggup semuanya, Alleluia Hanya untuk kita semua, Alleluia...



Dalam nama Bapa dan Putera dan Roh Kudus, Amin

Bersama:

Tuhan Bapa kami, dengan meninggikan Kristus anakMu, Engkau telah menakluki kuasa kematian dan membuka jalan kehidupan kekal bagi kami. Kami bangkit seawal hari ini dan melihat matahari terbit, janji bagi hari yang baru. Biarlah hidup baru ini membangkitkan kami dan memperbaharui kehidupan kami melalui Roh yang ada dalam kami.



Pembacaan Injil menurut Yohanes 20: 1-9

Pada awal pagi hari pertama minggu itu, ketika masih gelap lagi, Maria Magdalena pergi ke makam itu. Dia mendapati batu penutup telah digulingkan dari lubang makam itu. Dia pun berlari mencari Simon Petrus dan murid lain yang dikasihi oleh Yesus lalu berkata, "Jenazah Tuhan telah diambil dari makam, entah ke mana dialihkan".

Petrus dan murid lain itu pun pergi ke makam. Kedua-duanya berlari, tetapi murid lain itu berlari mendahului Petrus dan tiba di makam itu lebih dahulu. Dia menjenguk ke dalam dan melihat kain linen di situ tetapi tidak masuk ke makam itu. Apabila Simon Petrus yang menyusul murid lain itu tiba, dia terus masuk ke dalam makam itu dan nampak kain linen terletak di situ. Dia juga melihat kain kafan linen yang diikatkan pada kepala Yesus, terlipat berasingan. Kemudian, murid lain yang sampai dahulu di kubur itu pun masuk. Dia melihat segala-galanya lalu percaya. Setakat itu mereka belum memahami apa yang tersurat dalam Kitab Suci, iaitu Dia harus bangkit daripada kematian.



Renungan Sejenak

Paskah adalah suatu perayaan CAHAYA, KEHIDUPAN dan PEMBEBASAN. Paskah memberikan kita harapan dan kehidupan baru dalam Yesus Kristus.

Adakah kita menghidupi kehidupan kita seperti orang-orang Paskah? Adakah kita berkongsi kegembiraan paskah dengan orang lain, bermula terutama sekali dengan diri kita sendiri?

Biarkan saya memulakan kehidupan baru hari ini dengan butiran terkecil. Semoga saya memuliakan Tuhan dengan menghitung berkat-berkatNya dan menjalani hidup saya sepenuhnya, sebagai pemberianku kepadaNya.



R> Hari ini telah di buat oleh Tuhan, kami bersukacita dan gembira

Bersyukurlah kepada Tuhan sebab Ia baik Sebab kasihNya tidak berkesudahan Biarkanlah anak-anak Israel berkata: "kasihNya tidak berkesudahan"



R> Hari ini telah di buat oleh Tuhan, kami bersukacita dan gembira

Tangan kanan Tuhan telah menang Tangan kananNya mengangkat saya Saya tidak akan mati, saya akan hidup Dan menceritakan perbuatanNya



R> Hari ini telah di buat oleh Tuhan, kami bersukacita dan gembira

Batu yang dibuang oleh pembina telah menjadi batu sudut. Ini adalah kerja Tuhan, yang mengagumkan di mata kami.

R> Hari ini telah di buat oleh Tuhan, kami bersukacita dan gembira

DOA PASKAH KITA



Allah yang berbelas Kasih, hari ini, sekali lagi kami menyanyikan Alleluia. Kami memuji dan berterima kasih kepada Mu kerana membangkitkan Yesus dari kematian, dan kami memuji dan berterima kasih kepada Mu sepanjang masa kerana Engkau membangkitkan kami melalui BerkatMu.

Dalam musim Paska ini dan selamanya, bila kami lemah dan tidak dapat membuat keputusan yang baik; bila kami menghadapi ketakutan dan ketidakpastian; bila kami takut dan kecewa dan lupa bahawa Engkau menguatkan kami; bila kami degil dan menolak untuk mengampuni yang lain; bila kami mementingkan diri sendiri atau terlalu letih mengikuti Yesus seperti yang sepatutnya; bangkitkan kami, Allah yang maha pengasih, bangkitkan kami.

Terima kasih kerana memberikan kami kehidupan baru dalam Yesus yang hadir diantara kami pada masa Paska dan selamanya. Amin.



SELAMAT MENYAMBUT HARI PASKAH

"Bersukacita dalam harapan, sabar dalam penderitaan, setia dalam doa" (Rom 12:12).